

〔清〕江标等 编

湘学报

①

湖湘文库编辑出版委员会 湖南师范大学出版社

〔清〕江标等 编

湘学报

②

湖湘文库编辑出版委员会
湖南师范大学出版社



湖湘文库
甲编

日本國志

是書黃公度廉訪著爲類十二爲卷四十都五十餘萬言自日本維新以來凡政治之沿革制度之損益靡不詳載悉以明治十三四年爲斷是編刊出早爲海內通人所寶湖南局於偏隅學者罕見此書本報不及詳刊茲先刊其志序欲變法自強者讀此可以鑒矣

第一國統志

第二鄰交志

第三天文志

第四地理志

第五職官志

第六食貨志

第七兵志

第八刑法志

第九學術志

第十禮俗志

第十一物產志

第十二工藝志

右十二志

國統志

外史氏曰環地球而居者國以百數十計有國卽有民有民卽有君而此百數十國有一人專制稱爲君主者有庶人議政稱爲民主者有上與下分任事權稱爲君民共主者民主之位與賢不與子或數年一易一十數年一易無所謂統也君民共主

或傳賢或傳子君不得私有其國亦無所謂統也一王崛起奕葉繩武得其道則興失其道則廢故夫君主之國有傳之數世者焉有傳之數十世者焉如商之歷祀六百周之卜年八百其最久者也若夫傳世百二十歷歲二千餘一姓相承綿綿延延而弗墜統緒者其唯日本乎自神武肇基洎今皇嗣位賢主令辟史不絕書雖其間女帝乘權歷世十一觀鯢僭竊不謂無人然卒未有挈神器而移之外家傳之異姓授之嬖寵者亡豈不驚宗社如故可不謂奇歟將軍擅權此起彼仆至有進陪臣而執國命起奴僕而稱人主者當時之君如周之東僅擁虛位乃至設監置戍供億匱乏求爲編戶細民而不可得然歷年七百卒無人焉犯不韙而干大命者太阿下移玉步末改斯又奇矣霸政久竊民心積厭外侮紛乘內訌交作於是二三豪傑乘時

而起覆幕府而尊王室舉諸侯封建之權拱手而歸之上卒以成王政復古之功國家維新之治蒙泉剝果勃然復興又一奇也且夫物極必反事窮必變以一綫相延之統屢蹶而復振宜乎劍璽之傳與天壤無窮矣然而近日民心漸染西法竟有倡民權自由之說者中興之初曾有萬機決於公論之詔而百姓執此說以嬰君遂聯名上書環闕陳訴請開國會而伸民權而國家僅以遲遲有待約之終不能深開固絕而不許前此已問府縣會矣竊計十年之間必又開國會也嗟夫以二千五百餘歲君主之國自今以往或變而爲共主或竟變爲民主時會所迫莫知其然雖有智者非敢議矣作國統志

鄰交志

華夏

考地球各國若英吉利若法蘭西皆有全國總名獨中國無之西北各藩稱曰漠東南諸島稱曰峇

未完下期續出

日本曰唐或曰南京南京謂明此沿襲一代之稱不足
以概歷代也印度人稱曰震旦或曰支那日本亦稱
曰支那英吉利人稱曰差那法蘭西人稱曰差能此又
他國重譯之音并非我國本有之名也近世對外人稱
每日中華東西人頗譏彈之謂環球萬國各自居中且
華我夷人不無自尊卑人之意余則謂天下萬國聲名
文物莫中國先歐人名爲亞細亞譯義爲朝謂如朝日
之始升也其時環中國而居者多蠻夷戎狄未足以稱
鄰國中國之云本以對中國之荒服邊徼言之因襲日
久施之於今日外國亦無足怪觀孟子舜東夷文王西
夷之言知夷非貶辭亦可知華非必尊辭矣余考我國
古來一統故無國名國名者對鄰國之言也然徵之經
籍凡對他族則曰華夏傳曰夷不亂華又曰諸夏親暱
我之禹域九州實以華夏之稱爲最古印度日本英法
所稱雖爲華爲夏不可知要其音近此二字故今以華
夏名篇而仍以秦漢魏晉一代之國號分記其事云

外史氏曰余聞之西人歐洲之興也正以諸國鼎峙各不相讓
藝術以相摩而善武備以相競而強物產以有無相通得以盡
地利而奪人巧自法國十字軍起合縱連橫鄰交日盛而國勢
日強比之羅馬一統時其進步不可以道里計云其意蓋謂交

鄰之有大益也。余因思中國瓜分豆剖，干戈雲擾，莫甚於戰國七雄。而其時德行若孟荀，刑名若申韓，縱橫若蘇張，道德若莊列，異端若楊墨，農若李悝，工若公輸，醫若扁鵲，商若計研，范蠡治水若鄭白，韓國兵法若司馬孫吳，辯說若衍龍，文詞若屈宋。人材之盛，均爲後來專家之祖。一統貴守成，列國務進取。守成貴自保，進取務自強。此列國之所由盛乎？特其時玉帛少而兵戎多，故未見交鄰之益耳。日本之爲國，獨立大海中，於地球萬國均不相鄰，宜其閉門自守，民至老死不相往來矣。然而入其國，問其俗，無一事不資之外人者。中古以還，瞻仰中華，出聘之車，冠蓋絡繹。上自天時地理，官制兵備，暨乎典章制度，語言文字，至於飲食居處之細，玩好游戲之微，無一不取法於大唐。近世以來，結交歐美，公使之館，衡宇相望。亦上自天時地理，官制

兵備暨乎典章制度語言文字至於飲食居處之細玩好游戲之微無一不取法於泰西當其趨而東也舉國之人趨而東及其趨而西也舉國之人又趨而西乃至目營心醉口講指畫爭出其所儲金帛以購遠物而於己國之所有棄之如遺不復齒數可謂騖外也已由前之弊論者每病其過於繁縟失則文弱由後之弊論者又病其過於華靡失則奢蕩交鄰果有大益乎抑天下之事利百者弊十勢必有相因而至者乎然以余所聞日本一島國耳自通使隋唐禮儀文物居然大備因有禮義君子之名近世賢豪志高意廣競事外交駸駸乎進開明之域與諸大爭衡嚮使閉關謝絕至今仍一洪荒草昧未開之國耳則信乎交鄰之果有大益也抑日本自將軍主政七百餘年一旦太阿倒持之柄拱手而歸之於上要其尊王之說卽本於攘夷

之論攘夷之論所由興卽始於美艦俄船迭來劫盟時也則其內國之盛衰亦與外交相維繫云作鄰交志上篇曰華夏附以朝鮮琉球爲外篇下篇曰泰西

天文志

外史氏曰自地而上皆天也日月之照星辰之明天之覆萬國者莫不同也蒼蒼者其正色耶舟車之所至人力之所通海之所際地之所載萬國之觀天亦莫不同也所未同者各國推步之法耳余觀中國之誌天文者有二一在因天變而厲修省自三代時已有太史所職在察天文記時政蓋合占候紀載之事而司以一人故每借天變以儆人事春秋本舊史而紀日食後世史志因之因有日食修德月食修刑之說前代好諛之主有當食不食及食不及分諷宰相上表率百寮而拜賀者其謬妄

固不必言而聖君賢主明知日月薄蝕纏度有定數千百年可推算而得然亦不廢救護之儀省惕之說者誠以敬天勤民實君人者之職而遇災修省之意究屬於事有裨故亦姑仍舊貫而不廢舉行此中自有深意也彼外人者不足語此遂執天變不足畏之說概付之不論不議矣一在卽物異而說災祥自伏勝作五行傳班孟堅以下踵其說恒雨恒暘恒燠恒寒恒風皆附會往事曲舉證應其他若熒惑退舍宋公延齡三台告堦晉相速禍以及德星之聚潁川使星之向益州客星之犯帝座皆一一徵驗若屈伸指而數庭樹毫釐之不爽者何其妄也夫星辰之麗天爲上下四方前古後今之所共仰而人之一身不啻太倉之一稊米乃執一人一時之事以爲上應列宿有是理乎余觀步天之術後勝於前今試與近世天文家登臺望氣抵掌

談論謂分野屬於九州災異職之三公必有鄙夷不屑道者蓋
實驗多則虛論自少也若近者西法推算愈密至謂彗孛之見
亦有纏道亦有定時則占星之謬更不待辯而明矣日本之習
天文者甚少日月薄蝕以古無史官闕焉不詳而星氣風術之
家。中古惟一安倍晴明精於占卜後亦失傳故占驗均無可言
卽有之要不足道也今特專紀其授時之法考日本舊用中歷
今用西歷皆襲用他人法其推步又無可稱述第畧誌其因革
耳若乃體分濛濛色著青蒼則劉知幾有言今之天卽古之天
也必欲刊之國史施於何代不可也余亦以爲外國之天猶中
國之天也苟欲限以方隅誌之何地亦不可也作天文志

地理志

外史氏曰於茫茫大地之中畫疆分土而名之爲國其壤地莫

不相接其疆場莫不相奪其強弱大小無定形則有日闢國而日蹙國者上下千古橫覽九州莫不然矣而日本之爲國乃獨立大海中曠然邈然不與鄰接由東而往凡歷一萬五千餘里乃至美利堅由西南而往凡歷二三千里乃至上海臺灣卽最與鄰近之朝鮮亦歷數百里而後能至自神武紀元以來二千五百有餘歲未嘗舉尺寸之土與人亦未嘗得尺寸之土於人雖近日開拓蝦夷交換樺太吞滅琉球似有異於前之版圖者然蝦夷本羈縻之州樺太非固有之地琉球乃甌脫之主得非果得失亦非失蓋自有日本以後卽守此終古一成而不變不亦奇乎余聞歐西有瑞士山水清華士女明媚以介居諸大間各謀保護不相侵擾世人比之桃源而東方之日本乃以遠隔強國自成樂土天殆故設此二國使之東西並峙歟自德川氏

以禁教故丸泥封關謝絕外客子孫世守其法膠柱拘泥二百餘載無所見於外者無所羨於內無所聞於內者亦無所懼於外當是時也上以武斷爲政下以卑屈爲俗熙熙壤壤娛樂無事而歐洲諸國鷹瞵鸞視強弱相併閱一爭戰則國步日進北則有彼得加他鄰明毅果斷氣吞南溟西則有若拿破崙雄才偉畧諸侯稽首又西則有若華盛頓艱苦卓絕獨立一洲或英人吞併五印度撫有而國或俄人建萬里鐵道以通浩罕輪船電綫爭鶩紛起機巧奪天工人智欺鬼神凡西人兵威宗教幾幾乎彌綸地球而無所不至而日本閉門自守無見無聞矇然未之知也直至堅船巨礮環伺於門乃始如夢之方覺醉之甫醒雖曰鎖港逐客國體如此亦未始非地勢使之然也嗟夫事變之極開闢未聞以日本四面瀕海古稱天險二千餘載絕無

外患而自輪船鐵路縱橫於世極五大洲之地若不過彈丸黑
子之大各國恃其船廠又可以無所不達昔林子平有言日本
橋頭之水直與英之倫敦法之巴里相接古所恃以爲藩籬者
今則出入若庭戶矣言念及此地險足恃乎余觀亞細亞諸國
印度覆矣土耳其仆矣安南緬甸又傾踏矣日本自通商以來
雖頗受外侮而家國如故金甌無缺猶得以日本帝國之名捧
載書而從萬國後壤地雖曰褊小其經營籌畫卒能自立亦有
足多矣然而日本論者方且以英之三島爲比其亟亟力圖自
強雖曰自守亦頗有以小生巨遂霸天下之志試展五部洲輿
圖而觀之吾誠恐其鼎舉而贖絕地小而不足廻旋也作地理
志

職官志

外史氏曰世儒議周官或真或偽紛如聚訟其詆之尤力者則曰劉歆以媚莽蘇綽以亂周王安石以誤宋一若蒼姬六典苟襲其說必貽亂階者夫莽之矯揉造作侮聖蔑經不足論矣宇文氏特借周官官號以粉飾治具耳於國之治亂無與也若夫荆公當北宋積弱以後慨然欲濟以富强又恐富强之說爲儒者所排擊於是附會經義以間執儒者之口其誤宋也乃借周禮以堅其說并非信周禮而欲行其道也然而世之論者紛紛集矢於經矣宋歐陽公者號知治體其論周禮謂六官之屬見於經者五萬餘人而里閭縣鄙之長軍師卒伍之徒仍不與焉王畿千里之地爲田幾井容民幾家王官王族之國邑幾數民之貢賦幾何而又容五萬人者於其間其人不耕而賦將何以給之則疑其設官之繁如此或者伸其說又謂周禮舉市廛門

關山林川澤所有鳥獸魚鼈草木玉石一切貨賄之屬莫不設之厲禁而盡征之入市有稅入門有稅入關有稅避而不入卽沒入之地所從產又官守而以時入之是則天之所生地之所長人之所養俱入朝廷不畱一絲毫之利以與民雖王莽之虐恐其力亦不能悉如書中所載以盡行其厲民之事則又疑其賦歛之重如彼然以余觀泰西各國其設官之繁賦歛之重莫不如是而其國號稱平治者蓋舉一國之財治一國之事仍散之一國之民故上無壅財國無廢政而民亦無游手然則一切貨賄之稅卽以養此五萬餘人以是知周禮固不容疑也泰西自羅馬一統以來二千餘歲具有本末其設官立政未必悉本於周禮而其官無清濁之分無內外之別無文武之異其分職施治有條不紊極之至纖至悉無所不到竟一一同於周禮乃